

Un reto di bida of morto, fierno of paraíso

Departamento di Cultura hunto cu Popcorn Dancers lo presenta un tremendo obra

ORANJESTAD (AAN): Di parti di departamento di cultura John Freddy Montoya ta anuncia cu nan tambe ta uni nan mes den e campaña grandi di Paga Tino di FADA. E biaha aki departamento di cultura ta bin cu un contribucion grandi cu e grupo di popcorn dancers cu ta integrante nan di grupo hubenil den nos comunidad. Esaki ta bay ta hobennan cu lo muestra otro hoben nan kico ta un reto. E obra cu ta bay wordo presenta ta un obra multidisciplinario cu ta conta e historia di dos hoben cu ta presencia y cu ta conta na e audiencia kico ta nan bida abase di cada perspectiva nan.

E titulo di e obra lo yama desafío un reto di bida of morto, fierno of paraíso. Segun sr Montoya e historia aki ta ser trata den diferente acto y cada acto ta representa loke ta trata un reto un escena cu bo mes y tambe un escena pa cu otro, pa famia, scol y pa locual ta trata bo comunidad. E obra aki ta traha pa asina cada mucha por identifica nan mes na unda nan ta para y kico berdaderamente nos ta buscando den bida. Cada per-



sona tin un deseo den bida y cada persona tin un reto den bida.

Segun sr Montoya e historia aki cu lo wordo presenta den diferente escenario lo muestra kico realmente nos ta buscando den bida sea ta perfecciona nos propio paraíso of si realmente nos ta construyendo rond di nos un mundo di



infierno. Esaki ta un obra abstracto y contemporaneo moderno y un grupo di teatro popcorn dancer bao di direccion di Freddy Tromp a uni hunto cu departamento di cultura den e proyecto di Paga Tino pa asina haci e proyecto aki un éxito rotundo pa asina e mensahe drenta

den comunidad pa asina conscientiza hoben y grandi kico realmente bo kier den bo bida.

E historia aki lo pone un spiel bo dilanti y ponebo enfoca directo den bo personalidad cu abo ta desea di bira den bo bida y na unda bo ta para actualmente y kico ta

loke bo kier den bida. Comunidad por spera un obra grandi unda cu nos hoben nan mes lo presenta pa nos hobennan pa asina sa kico ta bo retonan unda abo como hoben sa unda bo ta para sea ta den bo propio infierno of bo ta construyendo riba bo mes bo propio paraíso.

**Telefonnan
di DIARIO
582-6747
Fax
582-8551**